



## Universitätsbibliothek Paderborn

**Poemata Ferdinandi Episcopi Monasteriensis Et  
Paderbornensis, S. R. I. Principis, Comitis Pyrmontani,  
Liberi Baronis De Furstenberg**

**Ferdinand <Paderborn, Bischof, II.>**

**Parisiis, 1684**

In Regiam Parisiensem Ludovici XIV. Ludovico Verjusio Comiti de Crecy, ...

**urn:nbn:de:hbz:466:1-7748**

Vincat avos utinam meritis, & regibus olim  
Imperet, & solo sit Genitore minor.  
Te duce nunc placidas sectetur Apollinis artes,  
Et durum posthac sub Patre Martis opus;  
Et qui jam laudare tuum, jam discere carmen  
Incipit, ille tuo carmine digna gerat.

I N

REGIAM PARISIENSEM  
LUDOVICI XIV.

GALLIARUM ET NAVARRÆ REGIS CHRISTIANISSIMI  
OPUS ADMIRANDVM.

**G**RANDIBUS & terras permensus & alta triumphis  
Æquora, seu radiis Cynthius astra suis,  
Hanc pacis studiis ingens LUDOVICUS & armis  
Regalem mira condidit arte domum.  
Quæ splendore licet referant & vertice pulsent  
Sidera, sunt Domino tecta minora suo.

LUDOVICO VERJUSIO  
COMITI DE CRECY,

*Regis Christianissimi Consiliario & Administro apud varios Sacri  
Romani Imperii Electores & Principes,  
in Gallias redeunti Anno M. D. C. LXXIV.*

**Q**Ui septem gemino fulgens adamante coruscat  
Annulus, & digitos induit ante meos,  
Hunc tibi, VERJUSI, Francorum magna tuorum  
Gloria, perpetui pignus amoris habe.  
Quam ferro est adamas, quam non superabilis igni,  
Tam constans amor est, tam mea firma fides.

K